



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU NOVI POKRET BOSNE I HERCEGOVINE

Broj: 03-07-6-538/13  
Sarajevo, 26. mart 2014. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE.....	5
5.1. NALAZI REVIZIJE.....	5
5.2. PREPORUKE .....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja stranke Novi pokret Bosne i Hercegovine za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i članom 15.10 Izbornog zakona BiH, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Na osnovu obavljenog pregleda godišnjeg finansijskog izvještaja za 2012. godinu, utvrđeno je da je stranka Novi pokret Bosne i Hercegovine prekršila odredbe člana 11. stav (3) Zakona o finansiranju političkih stranaka, koji je bio na snazi do 04.12.2012. godine i odredbe člana 12. stav (4) Zakona o finansiranju političkih stranaka koji je na snazi od 05.12.2012. godine.**

**Pregledom, odnosno kontrolom finansijskih izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo mogli utvrditi ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke Novi pokret Bosne i Hercegovine za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja stranka Novi pokret Bosne i Hercegovine je iskazala prihod u iznosu od 13.842,00 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	620,00	38,87 %
2	Prilozi fizičkih lica	975,00	61,13 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	0,00	0,00 %
	<b>Ukupni prihodi:</b>	<b>1.595,00</b>	<b>100,00 %</b>

U godišnjem finansijskom izvještaju politička stranka Novi pokret Bosne i Hercegovine je iskazala ukupne rashode u iznosu od 13.338,04 KM.

## 2. PREDSTAVLJANJE POLITIČKE STRANKE

Naziv političkog subjekta je Novi pokret Bosne i Hercegovine. Skraćeni naziv stranke je Novi pokret BiH.

Novi pokret Bosne i Hercegovine je registrovan kod Općinskog suda u Sarajevu broj upisa: 065-0-F1-12-000011 od 25.04.2012. godine, sa sjedištem u Sarajevu, ulica Tvornička 3, Ilidža.

Lice ovlašteno za zastupanje stranke je Enes Zeković, predsjednik stranke.

Lice ovlašteno za podnošenje finansijskih izvještaja za 2012. godinu je Hajrija Hodžić.

Prema podacima iz godišnjeg finansijskog izvještaja za 2012. godinu, organizacionu strukturu političke stranke Novi pokret Bosne i Hercegovine čine:

- Kanton Sarajevo,
- Općina Travnik i
- Opština Trebinje.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj političke stranke Novi pokret Bosne i Hercegovine za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja političke stranke Novi pokret Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine i priloge fizičkih lica, kao i troškove izborne kampanje.

### **4. PRETHODNE KONTROLE I REVIZIJE**

Kontrola finansijskih izvještaja političke stranke Novi pokret Bosne i Hercegovine se obavlja prvi put.

### **5. NALAZI I PREPORUKE REVIZIJE**

#### **5.1. NALAZI REVIZIJE**

**Stranka Novi pokret Bosne i Hercegovine nije ispoštovala odredbe člana 11. stav (3) Zakona o finansiranju političkih stranaka<sup>1</sup>.**

Stranka finansijski izvještaj nije podnijela u skladu sa odredbama člana 11. stav (3) Zakona o finansiranju.

Stranka je u obrascu 3 finansijskog izvještaja (Ukupni prihodi političke stranke) iskazala Prilog fizičkih lica u iznosu od 975,00 KM, te ukupne prihode u iznosu od 1.595,00 KM.

Uvidom u obrazac 3-a finansijskog izvještaja (Prilozi fizičkih lica) utvrđeno je da je stranka za navedenu vrstu prihoda iskazala iznos od 340,00 KM. Na taj način stranka je iskazala

---

<sup>1</sup> U skladu sa odredbom člana 11. stav (3) Zakona o finansiranju političkih stranaka, koji je bio na snazi do 04.12.2012. godine, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

prihod veći za 635,00 KM, te prekršila odredbe člana 13. stav (1) Pravilnika o godišnjim finansijskim izvještajima.<sup>2</sup>

### **Stranka Novi pokret Bosne i Hercegovine nije ispoštovala odredbe člana 12. stav (4) Zakona o finansiranju političkih stranaka.<sup>3</sup>**

Dana 14.07.2013. godine, Centralna izborna komisija Bosne i Hercegovine je stranci Novi pokret Bosne i Hercegovine uputila Zahtjev za dostavljanje dodatne dokumentacije za 2012. godinu (Bruto bilans stranke na dan 31.12.2012 godine, Glavnu knjigu sa kompletnom analitičkom evidencijom za period 01.05.-31.12.2012. godine, Kopije izvoda sa transakcijskog računa za period 01.05.-31.12.2012. godine, Dokumentaciju o korištenju poslovnih prostora u 2012. godini za sve organizacione dijelove stranke).

Uvidom u službene evidencije, utvrđeno je da stranka u ostavljenom roku nije dostavila dodatnu dokumentaciju, te joj je Centralna izborna komisija BiH, dana 17.10.2013. godine, uputila Urgenciju za dostavljanje dodatne dokumentacije.

Obzirom da stranka na zahtjev Centralne izborne komisije BiH nije dostavila dodatnu finansijsku dokumentaciju za 2012. godinu, prekršene su odredbe člana 12. stav (4) Zakona o finansiranju.

### **Troškovi izborne kampanje**

Stranka Novi pokret Bosne i Hercegovine je postupila u skladu sa odredbama člana 15.10 Izbornog zakona Bosne i Hercegovine, odnosno ostvarila je troškove izborne kampanje u okviru zakonom utvrđenog limita.

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>4</sup> po biraču u svakom izbornom krugu, prema broju birača koje je objavila Centralna izborna komisija BiH.

U svrhu izborne kampanje Novi pokret Bosne i Hercegovine je iskazala troškove u iznosu od 5.772,44 KM, iako je prema podacima Centralne izborne komisije BiH, na osnovu broja birača, mogla potrošiti 134.456,40 KM.

## **5.2. PREPORUKE**

***Preporučuje se stranci Novi pokret Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

---

<sup>2</sup> Prema odredbama člana 13. stav (1) Pravilnika u obrazac 3 Ukupni prihodi unosi se sljedeće: Članarina, Naplaćeni iznos priloga fizičkih lica, Prilozi pravnih lica, Prihodi od imovineDobit pravnih lica u vlasništvu političke stranke, Prihodi od poklona i usluga koje politička stranka nije imala obavezu platiti, Prihodi iz budžeta i ukupni prihodi političke stranke.

<sup>3</sup> U skladu sa odredbom člana 12. stav (4) Zakona o finansiranju političkih stranaka, koji je na snazi od 05.12.2012. godine, stranka je obavezna da podnese i druge izvještaje koje zatraži Centralan izborna komisija BiH.

<sup>4</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih i*
- *da dostavlja dodatnu dokumentaciju koju od nje zatraži Centralna izborna komisija BiH.*

## **KOMENTAR**

Novi pokret Bosne i Hercegovine nije se očitovao na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2012. godinu koji je stranci dostavljen 25.12.2013. godine.

Revizor

Veliborka Kenjić

Šef Službe za reviziju

Mr.sc. Hasida Gušić